



Broj: 03-16-8-1676-9c/17
Sarajevo, 1.11.2017.

Na osnovu čl. 69. stav (2) tač. d) i e) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na prijedlog Komisije za nabavke iz Zapisnika o pregledu i ocjeni ponuda, broj: 03-16-8-1676-8c/17, od 31.10.2017. u postupku nabavke računarske opreme za potrebe Parlamentarne skupštine Bosne i Hercegovine, za Lot 3. Nabavka printera, Kolegij Sekretarijata Parlamentarne skupštine Bosne i Hercegovine donosi

ODLUKU O PONIŠTENJU POSTUPKA NABAVKE

I.

Prihvata se prijedlog Komisije za nabavke iz Zapisnika o pregledu i ocjeni ponuda, broj: 03-16-8-1676-8c/17, od 31.10.2017. i poništava se postupak nabavke računarske opreme za potrebe Parlamentarne skupštine Bosne i Hercegovine, za Lot 3. Nabavka printera, proveden putem otvorenog postupka, Obavještenje o nabavci, broj: 166-1-1-37-3-14/17, objavljeno u sistemu "E-nabavke" dana 6.10.2017., a u „Službenom glasniku BiH“, broj 73/17, od 13.10.2017., iz razloga člana 69. stav (2) tačka d) i e) Zakona o javnim nabavkama, jer primljena ponuda nije prihvatljiva i cijena ponude je znatno veća od osiguranih sredstava za predmetnu nabavku.

II.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno čl. 70. stav (6) i 71. stav (2) Zakona o javnim nabavkama.

III.

Ova Odluka stupa na snagu danom donošenja.

Образложење

Postupak javne nabavke pokrenut je Odlukom o pokretanju postupka javne nabavke računarske opreme za potrebe Parlamentarne skupštine Bosne i Hercegovine, broj: 03-16-8-1676/17, od 11.7.2017. Ukupna procjenjena vrijednost nabavke iznosila je 136.250,00 KM sa PDV-om. Predmet nabavke podijeljen je na četiri lota. Procjenjena vrijednost nabavke za Lot 3. Nabavka printera iznosi 14.900,00 KM s PDV-om. Komisija za nabavke imenovana je Odlukom Kolegija Sekretarijata, broj: 03-16-8-1039/17, od 18.4.2017. Javna nabavka provedena je putem otvorenog postupka nabavke. Tenderska dokumentacija, broj: 03-16-8-1676-5/17, od 6.10.2017. objavljena je u Sistemu „E-nabavke“, kao i Obavještenje o nabavci broj: 166-1-1-37-3-14/17, od 6.10.2017., a u "Službenom glasniku BiH", broj 73/17, od 13.10.2017. Tendersku dokumentaciju za nabavku računarske opreme za potrebe Parlamentarne skupštine BiH sa Portala javnih nabavki preuzelo je ukupno 37 ponuđača. Dana 10.10.2017. od firme Printex d.o.o. Sarajevo postavljeno je pitanje za pojašnjenje Tenderske dokumentacije, na koje je, Komisija dala odgovor dana 11.10.2017. Dana 19.10.2017. od firme Fixit d.o.o. Sarajevo postavljeno je pitanje za pojašnjenje Tenderske dokumentacije, na koje Komisija nije odgovorila zbog neblagovremenosti postavljenog pitanja. Do termina zakazanog za predaju ponuda za sve četiri lota odnosno do 24.10.2017. do 14,00 sati za Lot 3. Nabavka printera pristigla je jedna ponuda i to:

Redni broj zaprimanja ponuda	Naziv i sjedište ponuđača
---------------------------------	---------------------------

1.	MMCC d.o.o Sarajevo, ul. Džavida Haverića 7b, 71 000 Sarajevo
----	---

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-1676-6/17, od 24.10.2017., Zapisnik o otvaranju ponuda za sva četiri lota od 24.10.2017. i Zapisnik o pregledu i ocjeni ponuda za Lot 3. Nabavka printera, broj: 03-16-8-1676-8c/17, od 31.10.2017., u kojem je Komisija konstatovala da ponuda ponuđača MMCC d.o.o. Sarajevo **nije prihvatljiva za Ugovorni organ** zbog:

1. Ukupna cijena ponude ponuđača MMCC d.o.o. Sarajevo iznosi 22.054,50 KM s PDV-om, čime premašuje procjenjenu vrijednost nabavke koja za Lot 3. Nabavka printera, koja iznosi 14.900,00 KM sa PDV-om.
2. Tehničke karakteristike za sve tri vrste ponuđenih uređaja odstupaju od zahtjevanih minimalnih tehničkih karakteristika za svaku vrstu uređaja, utvrđenih u tenderskoj dokumentaciji i to:
 - Pod red. broj 1. ponuđen je printer HP M606dn (E6B72A#B19) kod kojeg zahtijevana tehnička karakteristika "Vrijeme štampanja prve stranice: max. 6,6 sec", iznosi 7 sec.
 - Pod red. broj 2. ponuđen je multifunkcionalni printer Lexmark MX611, kod kojeg zahtijevana tehnička karakteristika "Mjesečni kapacitet štampe: 250.000 str." iznosi max. 150.000, i zahtijevana karakteristika "Kapacitet izlaza: min. 500 stranica" iznosi max. 250 str.
 - Pod red. broj 3. ponuđen je kolor printer HP M552dn (B5L23A#B19) kod kojeg zahtijevana tehnička karakteristika "Mjesečni kapacitet štampe: min.100.000 stranica", iznosi 80.000 stranica.

Također je konstatovano da Komisija nije provodila fazu vrednovanja i rangiranja prihvatljivih ponuda shodno utvrđenom kriteriju „najniža cijena“, jer je u postupku nabavke ponudu dostavio samo ponuđač MMCC d.o.o. Sarajevo, čija je Ponuda, broj 2410EZ03, od 23.10.2017. neprihvatljiva za ugovorni organ. Stoga je Komisija za nabavke Kolegiju Sekretarijata Parlamentarne skupštine BiH predložila da se postupak nabavke računarske opreme za potrebe Parlamentarne skupštine BiH, za Lot 3. Nabavka printera okonča donošenjem Odluke o poništenju postupka nabavke, iz razloga člana 69. stav (2) tačka d) i e) Zakona o javnim nabavkama, jer primljena ponuda nije prihvatljiva i cijena ponude je znatno veća od osiguranih sredstava za predmetnu nabavku. Kolegij Sekretarijata Parlamentarne skupštine Bosne i Hercegovine prihvatio je prijedlog Komisije za nabavke o poništenju postupka nabavke, te odlučio kao u dispozitivu ove odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

- MMCC d.o.o Sarajevo, ul. Džavida Haverića 7b, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____